

ATURAN URUSAN MESYUARAT

18 DEC 1981

HARI KHAMIS, 17HB DISEMBER, 1981 PUKUL 2.30 PETANGBil. 201PERTANYAAN-PERTANYAAN BAGI JAWAB MULUT

- *1. Tuan S. Subramaniam minta Perdana Menteri menyatakan langkah-langkah atau tindakan yang diambil oleh Suruhanjaya Pilihanraya atas mereka yang mendaftarkan diri sebagai pengundi luar dari kawasan di mana mereka tinggal.
- *2. Tuan V. V. Aboo minta Menteri Perumahan dan Kerajaan Tempatan menyatakan:-
- (a) sama ada beliau sedar bahawa undang-undang memberi notis sekurang-kurangnya 2 minggu kepada pemajak-pemajak telah tidak dipatuhi oleh sebilangan besar kedai-kedai pajak di negara ini; dan
 - (b) apakah tindakan yang beliau akan ambil mengenai perkara ini dan mengapakah sehingga kini beliau masih belum mengarahkan semua Kerajaan-kerajaan Negeri dan Pegawai-pegawai Daerah supaya mengarahkan kedai-kedai pajak memberi notis kepada pemajak.
- *3. Dato Haji Mohd. Nor Mohamad minta Menteri Perdagangan dan Perindustrian menyatakan langkah-langkah sedang diambil berkenaan dengan syarikat-syarikat asing, yang berniaga di negara ini menerusi anak-anak syarikat, dengan nyata menghina Dasar Ekonomi Baru dan secara terbuka mensisipkan inspirasi Kerajaan dalam rancangan penyusunan semula pemilihan modal dalam sektor syarikat, dan nyatakan tindakan yang akan diambil ke atas syarikat-syarikat negara kita yang campur tangan dengan syarikat-syarikat asing itu.
- *4. Tuan Ishak bin Abdul Rahman minta Menteri Kebudayaan, Belia dan Sukan menyatakan bentuk bantuan yang diberi kepada pertubuhan-pertubuhan berpakaian seragam yang menjalankan kegiatan di luar bilik darjah di sekolah-sekolah, seperti Pasukan Pengangkap, Pandu Putri, Bulan Sabit Merah dan St. John Ambulan.
- *5. Puan Ragayah binti Ariff minta Perdana Menteri menyatakan sama ada Jabatan Perdana Menteri akan menubuhkan satu Lembaga Penyelarasan dan Pengurusan untuk mentadbir dan menyelaraskan aktiviti-aktiviti semua badan-badan dakwah yang ada dalam negara kita dan sama ada Lembaga ini akan membatalkan badan-badan dakwah yang terpesong.

- *6. Dato Hajjah Fatimah binti Haji Salim minta Menteri Pertahanan menyatakan mengapakah tentera kita tidak dibekalkan dengan kereta-kereta kebal (tanks) memandangkan kebanyakan negara-negara yang mempunyai tentera yang kuat dan lengkap mempunyai peralatan ini.
- *7. Datuk Ismail bin Hashim minta Menteri Perumahan dan Kerajaan Tempatan menyatakan sama ada beliau sedar bahawa peruntukan Grant-tahunan kepada Majlis-majlis Perbandaran dan Daerah Luar Bandar tidak mencukupi dan sama ada pihak Kementerian bercadang untuk menambahkan Grant-Tahunan di masa akan datang.
- *8. Dato Chin Kim Yoong minta Menteri Perdagangan dan Perindustrian menyatakan sama ada beliau sedar bahawa lalu lintas sama ada dari utara atau dari selatan tidak melalui bandar Ipoh dan dengan demikian tidak memajukan perusahaan pelancungan di bandar Ipoh dan jika sedar sama ada beliau ada apa-apa rancangan jangka pendek atau jangka panjang untuk memajukan perusahaan di bandar Ipoh.
- *9. Dr. Choo Kooi Fook minta Perdana Menteri menyatakan sama ada beliau mengakui bahawa laporan Ketua Odit Negara adalah terlewat dalam pengumumannya, misalnya laporan tahun 1977 hanya dibentangkan pada tahun 1981 (Empat tahun kebelakangan) dan sama ada beliau akan mengarahkan supaya laporan itu disediakan lebih awal lagi.
- *10. Tuan M. Manalingam minta Menteri Sains, Teknologi dan Alam Sekitar menyatakan keadaan kemajuan dan tempoh operasi dijangka Pusat Penyelidikan Nuklear - Pusat Tenaga Atom Tun Dr. Ismail ditubuhkan pada tahun 1979 untuk mengusahakan latihan dan penyelidikan teknologi nuklear bagi pertanian, perusahaan dan perubatan.
- *11. Datuk Haji Mohd. Din bin Jaafar minta Menteri Kewangan menyatakan sebab-sebab Pasaran Saham di negara ini sangat merosot.
- *12. Tuan Tan Chang Soong minta Menteri Perusahaan Awam menyatakan taraf menampung keperluan beras dalam negara ini terutama antara bekalan tempatan dan penggunaan dan sama ada jurang itu - jika ada, akan menimbulkan satu krisis bagi negara ini dan tindakan-tindakan yang diambil supaya menjamin bahawa negara ini mempunyai bekalan yang secukup-cukupnya.
- *13. Tuan Abdul Razak bin Haji Abu Samah minta Menteri Pelajaran menyatakan tindakan terhadap penipuan oleh Institusi-institusi pelajaran persendirian/swasta yang menjalankan kempen dari rumah ke rumah memungut wang pendahuluan bagi maksud pelajaran yang tidak diketahui tujuannya.
- *14. Dato' Haji Mahmoud Salim bin Haji Mohamad minta Menteri Kemajuan Tanah dan Kemajuan Wilayah menyatakan bila naskah sah Kanun Tanah Negara boleh dicetak dalam Bahasa Malaysia memandangkan bahawa Kanun Tanah Negara kita itu patut sangat difahami oleh orang ramai yang mempunyai tanah.

- *15. Tuan Haji Ibrahim Abdullah minta Menteri Pelajaran menyatakan sama ada:-
- (a) buku "The Malay Dilemma" akan digunakan sebagai buku teks atau buku bacaan tambahan di sekolah-sekolah menengah atau di universiti-universiti negeri ini; jika ya, nyatakan bila akan mula digunakan; dan
 - (b) terjemahan buku ini ke dalam Bahasa Kebangsaan telah dibuat oleh Dewan Bahasa dan Pustaka dan jika tidak berikan sebab-sebabnya.
- *16. Puan Hasanah binti Mohd. Kassim minta Menteri Kesihatan menyatakan:-
- (a) bilakah pihak Kementerian akan menambahkan katil-katil di Ward Kelas Dua bagi Hospital-hospital Daerah khususnya di Hospital Daerah Dungun yang hanya ada 4 katil sahaja (dua katil pesakit lelaki dan dua untuk pesakit perempuan); dan
 - (b) sama ada peruntukan 4 katil seperti di Daerah ini juga diperuntukkan Hospital-hospital Daerah yang lain di seluruh Malaysia.
- *17. Tuan S.I. Rajah minta Menteri Hal Ehwal Dalam Negeri menyatakan rancangan Kerajaan mengenai masalah isteri-isteri asing warganegara Malaysia.
- *18. Tuan Syed Kamarulzaman bin Syed Bahaldin minta Menteri Pembangunan Negara dan Luar Bandar menyatakan:-
- (i) dasar Kerajaan mengenai penubuhan anak-anak syarikat (subsidiaries) dan usaha-same (joint venture) yang berdaftar di bawah Akta Kompeni oleh Syarikat Kerjasama yang berdaftar di bawah Ordinan Syarikat Kerjasama dan mempunyai prinsip-prinsip yang tertentu; dan
 - (ii) sistem kawalan yang dikenakan oleh Ketua Pendaftar Koperasi di atas anak-anak syarikat dan usaha-usaha sama itu.
- *19. Datuk G. Pasamanickam minta Menteri Penerangan menyatakan sama ada beliau sedar bahawa di Radio Malaysia dengan mengadakan sistem unit sebanyak 6, mutu penerbitan rancangan telah jauh merosot terutamanya dari segi bahasa semua kaum disebabkan tidak terdapat satu ketua yang pakar dan mahir dalam bahasa-bahasa itu untuk mengawasi mutu rancangan-rancangan dan dalam keadaan ini sama ada Kementerian bercadang menghapuskan sistem ini dan membawa semula sistem lama iaitu melantik ketua untuk setiap bahagian.
- *20. Dato Haji Mohd. Nor Mohamad minta Perdana Menteri menyatakan:-
- (a) berapa pesawat ibu komputer telah dibeli oleh pejabat-pejabat dan agensi-agensi Kerajaan Persekutuan dan Kerajaan-kerajaan Negeri dan berapa harga kesemuanya;
 - (b) berapa jam purata seminggu pesawat-pesawat ini digunakan; dan
 - (c) berapa pakar-pakar dan pekerja-pekerja digunakan untuk menjalankan pesawat-pesawat ini.

- *21. Tuan Ishak bin Abdul Rahman minta Menteri Sains, Teknologi dan Alam Sekitar menyatakan tindakan yang diambil terhadap pencemaran air yang sering berlaku di kawasan Pulau Aman, Kuala Juru dan di Seberang Perai yang sedikit sebanyak menjelaskan pendapatan kaum nelayan di kawasan-kawasan tersebut.
- *22. Datuk Ismail bin Hashim minta Menteri Hal Ehwal Dalam Negeri menyatakan berapa banyakkah isteri-isteri asing (foreign wives) yang telah diberikan taraf kewarganegaraan Malaysia bagi tahun 1980 dan 1981.
- *23. Tuan Haji Ariffin bin Haji Salleh minta Menteri Kesihatan menyatakan sama ada beliau akan mengadakan kawalan yang lebih ketat terhadap kemasukan ubat ke negara ini di masa akan datang, dengan memeriksa atau menyelidikinya terlebih dahulu tentang kesan-kesan sampingannya terhadap kesihatan umum sebelum membenarkan ubat-ubat tersebut dibawa masuk dan dijual di negara ini.
- *24. Tuan K. Kumaran minta Menteri Hal Ehwal Dalam Negeri menyatakan:-
- (a) bilangan pelarian yang masuk ke Malaysia semenjak bulan Januari tahun 1981; dan
 - (b) sama ada beliau sedar perlarian-pelarian yang bukan benar-benar refugees datang ke negara ini melalui "organised syndicate" dengan harapan mereka akan ditempatkan ke negara ketiga dan apakah tindakan yang diambil untuk mengelakkan penipuan ini.

/gr.

PADA PERMULAAN URUSAN MESYUARAT

MENGEMUKAKAN RANG UNDANG-UNDANG KERAJAAN

1. Menteri Tak Berpotfolio:

- * Rang Undang-undang Waktu Standard Malaysia

(* Menandakan bahawa Rang Undang-undang ini akan dibawa pada semua peringkat di mesyuarat ini).

/sz.

ATURAN URUSAN MESYUARAT DAN PEMBERITAHU USUL

1. Menteri Tak Berpotfolio akan mencadangkan:-

Bahawa Laporan Jawatankuasa Peraturan-peraturan Mesyuarat Dewan Negara yang telah dibentangkan sebagai Kertas Nombor DN. 2 Tahun 1981 diterima dan dikuatkuasakan mulai daripada tarikh penerimaannya.

- | | | | |
|-----|-------------|--|-------------------------|
| 2. | (DR. 26/81) | Rang Undang-undang Perbekalan 1982 - Menyambung semula Perbahasan atas Masalah, "Bahawa Rang Undang-undang ini dibacakan kali yang kedua sekarang." (16hb Disember, 1981). | |
| 3. | (DR. 25/81) | Rang Undang-undang Perbekalan Tambahan (1980 dan 1981) | Bacaan Kali Yang Kedua. |
| 4. | (DR. 20/81) | Rang Undang-undang Kewangan (No.2) | " |
| 5. | (DR. 29/81) | Rang Undang-undang Galakan Pelaburan (Pindaan) (No.2) | " |
| 6. | (DR. 27/81) | Rang Undang-undang Bank Negara Malaysia dan Bank (Pindaan) | " |
| 7. | (DR. 13/81) | Rang Undang-undang Wilayah Persekutuan (Perkiraan Kewangan) | " |
| 8. | (DR. 17/81) | Rang Undang-undang Kumpulan Wang Simpanan Pekerja (Pindaan) | " |
| 9. | (DR. 16/81) | Rang Undang-undang Membaharui Undang-undang (Penghapusan Samsu Gelap) (Pindaan) | " |
| 10. | (DR. 18/81) | Rang Undang-undang Mahkamah Kehakiman (Pindaan) | " |
| 11. | (DR. 23/81) | Rang Undang-undang (Perancangan) Wilayah Persekutuan. | " |
| 12. | (DR. 24/81) | Rang Undang-undang Ibu Kota Persekutuan (Pindaan) | " |
| 13. | (DR. 19/81) | Rang Undang-undang Keistimewaan Diplomatik (Konvensyen Vienna) (Pindaan) | " |
| 14. | (DR. 21/81) | Rang Undang-undang Pejabat Pos (Pindaan) | " |
| 15. | (DR. 22/81) | Rang Undang-undang Harta Pesaka Kecil (Pembahagian) (Pindaan) | " |

RISALAT YANG DIBAWA KE DALAM MESYUARAT

1981

Tarikh dibentangkan

DN. 2/1981

Laporan Jawatankuasa
Peraturan-peraturan
Mesyuarat Dewan Negara
Yang Kelima (Penggai
Yang Ketiga).

16hb Disember, 1981

/gr.